

# 藏书十咏

王献唐遗作

王国华 辑

幼喜聚书，壮而弥竺。频年四方，随在搜集。裒其所藏，约五万卷。家有老屋，度架储之。横几摊卷，昏晓流连。意有所触，辄发吟咏。裁题命篇，都为十什。夫百年之乐，视此陈编。千金之珍，宛同敝帚。挹群言而寄傲，游卷阿以矢音。是亦以无益之事，遣有涯之生者也。

“大云”文献近如何， 一例“水西”感慨多。  
拚却芒鞋三十辆， 冷摊僻市几回过。

——访书

吾东藏书，清乾嘉时，以历下周林汲、益都李南涧为最，年来搜求两家藏书，仅得十数种。大云山房水西书屋，其藏书处也。

黄金脱手了无余，          换得陶南镇库书。  
不学东家权子母，          鱼盐柴米姑徐徐。

——购书

黄尧圃手校《穆天子传》，顾千里手校《说文系传》，均海源阁故物，近日散出，余倾囊得之。

才过东江又北湖，          晴虹贯月出吴都。  
迄今谁是倪黄手，          来画渔洋第二图。

——载书

前在金陵购书十数篋，以兵戈路阻，浮江泛湖，展转运至海上。昔渔洋有载书图，拟仿其意，为吴江载书图。

红蟬青筒阅星霜，          百叠丛残手自装。  
肯以千金换敝帚，          任人两字署清狂。

——装书

唐抄宋槧意纷驰，          狼藉丹黄笔一枝。  
排闥风声灯欲死，          有人兀坐五更时。

——勘书

曝书亭接晒书堂，  
手扑牙签三万轴，

拈取先贤一瓣香。  
不辞风日坐檐廊。

——曝书

抄刻精严别异同，  
九流四部闲征遍，

取材端喜老菟工。  
消受春灯一穗红。

——跋书

菟翁题跋书籍，间于版刻流别外，兼及当时购书掌故。清言屑玉，为书跋中之别开生面者。余每喜效之，尤多在宵深入静时著笔也。

爱好贪多癖不除，  
垂帘半卷杨花起，

蚕眠小注单行疏。  
手写人间未见书。

——抄书

日本所藏经部单疏本，晚近展转趋写，流入吾国，多为前此所未见。向从友人假得，排日为课，手录二种，又借抄陶诗汤注二种，时在前岁三月。

海源书似阵云屯，

小钵猩红认宋存。

乞与老饕供一饱，

残年风雪过屠门。

——借书

去岁残冬，借书杨氏海源阁，流观七日。其藏书印有宋存书室，亦屡见《楹书隅录》。问其家人，竟不知有是室也。

殊方别语日琅琅，

身世蠹鱼了不妨。

十丈红尘万人海，

此心安处是吾乡。

——读书

近岁喜治古今语言，长日读书，以此为多。末句用东坡词，盖又截取柔奴语也。

(一九三〇年作)